

Tusagassiortunngorniat ilinniartitaanerat pillugu Namminersornerullutik Oqartussat nalunaarutaat nr. 28, 26. juli 2001-imeersoq Atuussimasoq (Historisk)

Tusagassiortunngorniat ilinniartitaanerat pillugu Inatsisartut peqqussutaanni nr. 6-imi, 30. oktober 1995-imeersumi § 2, imm. 2, § 4 aamma § 5, imm. 3 naapertorlugit makku aalajangersarneqarput:

Kapitali 1.

Ilinniartitaanerup aqunneqarnera

§ 1. Tusagassiornermik Ilinniarfimmi Ilinniagaqarnermi Siunnersuisoqatigiinnik pilersitsisoqassaaq. Ilinniagaqarnermi Siunnersuisoqatigiit arfineq-marlunnik ilaasortaqaassapput:

- 1) Ilaasortaq ataaseq Ilinniartitaanermut Pisortaqaarfimmit toqqagaq.
- 2) Ilaasortaq ataaseq Tusagassiortut Peqatigiiffiannit toqqagaq.
- 3) Ilaasortaq ataaseq Kalaallit Nunaata Radiuanit (KNR) aamma Kalaallit Nunaanni TV-utileqatigiinnit radioutileqatigiinnillu (FTV) toqqagaq.
- 4) Ilaasortaq ataaseq tusagassiuutinit naqitanit nuna tamakkerlugu saqqummersartunit toqqagaq.
- 5) Ilinniarfimmi pisortaq.
- 6) Ilaasortaq ataaseq ilinniarfimmi ilinniartitsisut siunnersuisoqatigiiffiannit toqqagaq.
- 7) Ilaasortaq ataaseq ilinniartut akunnerminni toqqagaat.

Imm. 2. Ilinniagaqarnermi Siunnersuisoqatigiinni ilaasortat siunnersuisoqatigiinni ilaasortaasassapput ilaasortamik pineqartumik toqqaasimasup toqqaasimanerminik utertitsinissaata aammalu nutaamik toqqaanissaata tungaanut.

Imm. 3. Siunnersuisoqatigiinni ilaasortat tamarmik sinniisussaannik toqqaasoqartassaaq.

Imm. 4. Ilinniagaqarnermi Siunnersuisoqatigiit suliassanik pineqartunik inunnik immikkut ilisimasalinnik peqataatitaqartarsinnaapput.

Imm. 5. Ilinniagaqarnermi Siunnersuisoqatigiit siulittaasulerlutik siulittaasullu tullilerlutik namminneq inissitsitissapput. Ilinniagaqarnermi Siunnersuisoqatigiit suleriaasissartik nammi-neerlutik aalajangersartassavaat, tassunga ilanngullugit ulluinnarni aqutsisunik pilersitsineq. Suleriaasissat Ilinniartitaanermut Pisortaqaarfimmit akuerineqartassapput.

Imm. 6. Tusagassiornermik Ilinniarfik Ilinniagaqarnermi Siunnersuisoqatigiinnut allattoqarfiuvoq.

§ 2. Ilinniagaqarnermut Siunnersuisoqatigiit Tusagassiornermik Ilinniarfimmu tunngasunik siunnersuisartuupput aammalu Ilinniartitaanermut Pisortaqaarfimmut inassuteqarsinnaallutik.

Imm. 2. Sulilluni sungiusarfiit Ilinniagaqarnermut Siunnersuisoqatigiinnit akuerineqassapput, tak. § 9, imm. 2.

Imm. 3. Ilinniartitaanermut Pisortaqaarfik Ilinniagaqarnermi Siunnersuisoqatigiit aamma Tusagassiornermik Ilinniarfimmik oqaaseqaateqartitsereernikkut Ilinniagaqarnermi Siunnersuisoqatigiit malittarisassanik aalajangersaasinnaavoq.

§ 3. Ilinniarfimmi pisortaq Ilinniartitaanermut Pisortaqarfiup inassuteqarneratigut Naalakkersuisunit atorfinitsinneqartassaaq. Ilinniartitsissutitut sammisanut sulianut aalajangersimasunut ilinniartitsisut sulisullu allat Tusagassiornermik Ilinniarfiup inassuteqarneratigut Naalakkersuisunit atorfinitsinneqartassapput.

§ 4. Tusagassiornermik Ilinniarfik ilinniartitaanermut tunngasumik ilinniartitaaneq pillugu aaqqissuussinermik suliaqartassaaq, ikinnerpaamik makkuninnga imaqartussanik

- 1) ilinniartitaanerup imaa, ilinniartitsinermi nalunaaquttap-akunnerisa amerlassusiat aamma ilinniagassani ataasiakkaani ilinniartitsissutissatut sammisassanut ilitsersuutit, piffissat immikkut suliaqarfissat suliamillu sungiusarfissat taakkulu ilinniartitaanerup ingerlanerani inissisimaffissaat,
- 2) allattarissanik suliat tunniunneqartarnissaat pillugit malittarisassat, taakkununga ilanngullugit tunniussat ataasiakkaarluni suleqatigiikkuutaarluniluunniit pisinnaanerat pinissaalluunniit,
- 3) ilinniartitaanerup ingerlanerani misilitsittarnissat allaaserineqarnerat kiisalu taakku ilinniartitaanerup ingerlanerani inissisimanissaat,
- 4) misilitsinnerit ilusaasa atorneqartut allaaserineqarnerat, tassunga ilanngullugit suleqatigiikkuutaarluni misilitsinnerni peqataasut amerlassusissaat,
- 5) misilitsinnerit soorliit karakteriliiffigineqartassanersut pillugit takussutissiat, aammalu misilitsinnerit sorliit naliliiffigineqassasut ima "angusivoq" imaluunniit "angusinnigilaq",
- 6) ima naliliinernut "angusivoq" imaluunniit "angusinnigilaq" piumasaqaatinut erseqqissaatit,
- 7) napparsimasimanermi soraarummeersitsineq aamma misilitseqqinneq,
- 8) ilinniartunngortussatut nalunaarutigineqartut amerlassusii malillugit atuaqatigiinnik avitsisarnerit kattussisarnerillu pillugit malittarisassat,
- 9) taarsiullugu sulianik tunniussisarnerit,
- 10) ilinniartitsinissamik pilersaarutit, aamma
- 11) takkutinngitsoornernut malittarisassat nalinginnaasut.

Imm. 2. Tusagassiornermik Ilinniarfik pisinnaatinneqarsinnaavoq ilinniartitaanerup aaqqissuussaanerani aalajangersakkanit immikkut ittumik akuersissuteqarnermik imaqartunik ilinniartitaanerup aaqqissuussaanerani aalajangersakkanik ilanngussinissamut.

Imm. 3. Ilinniartitaanermik aaqqissuussineq Ilinniartitaanermut Pisortaqarfimmut akuerisassanngorlugu nassiunneqartassaaq.

Kapitali 2.

Ilinniartunngortussanik tiguisarnermi piumasaqaatit

§ 5. Tusagassiornermik Ilinniarfik ilinnialerniarlutik qinnuteqaateqartut akuerisinnaavaat:

- 1) ilinniarnertuunngorlutik angusisimasut,
- 2) § 6 naapertorlugu ilinniartunngorniarluni misilitsinnermi angusisimasut,

Imm. 2. Tusagassiornermik Ilinniarfiup qinnuteqartut allamik atuagarsornermut sulinermulluunniit naleqquttunik imalimmik ilinniagallit imm. 1-imi, nr. 2-mi piumasaqaatinik naammassinnissimasut ilinniartunngortussatut akuerisinnaavai.

§ 6. Ilinniartunngorniarluni misilitsitsissutissaq Tusagassiornermik Ilinniarfimmit suliarineqassaaq.

Misilitsissutissaq ilusilerneqassaaq ilinniartunngorniarluni qinnuteqartup tusagassiornermut tunngasutigut eqqarsariaatsimut misikkarissusia, inuiaqatigiinni pissutsit atuuttut pillugit tamatigoortunik ilisimasaqassusia kiisalu oqaatsitigut pisinnaasai saqqummersittussanngorlugit.

Imm.2. Ilinniartunngorniarluni misilitsinneq sumiiffinni assigiinngitsuni ataatsikkut ingerlanneqassaaq piffissaq eqqorlugu qinnuteqaateqarlutik nalunaarsimasunit kiisalu ilinniartunngornissamut piumasaqaatinik allanik, § 5 naapertorlugu, naammassinnittunit peqataaffigineqarluni aamma Tusagassiornermik Ilinniarfiup misilitsinnissamut piffissalersuilluni aalajangigai malillugit. Ilinniarfimmi pisortaq misilitsinnerit ingerlanneqarnerannut akisussaavoq.

Kapitali 3.

Ilinniartitaanerup imaa il.il.

Ilinniartitaanerup ilusaa

§ 7. Ilinniartitaaneq ukiut pingasut affarlu sivisussuseqartussatut naatsorsuussaavoq piffissanullu immikkoortunut arfineq-marlunnut aggugaalluni, imalu ilusilersugaalluni:

- 1) immikkoortoq siulleq atuagarsorluni sulianullu aalajangersimasunut sammisunik ilinniartitsineruvoq.
- 2) Immikkoortut aappaat sulilluni sungiusarneruvoq.
- 3) Immikkoortut pingajuat atuagarsorfiuvoq sulianullu aalajangersimasunut sammisunik ilinniarnuvoq.

Ilinniagassatut sammisat aaqqissuunneqarnerat piffissallu sulilluni sungiusarfiusut

§ 8. Immikkoortumut siullermut ilinniagassatut sammisanut makku ilaapput:

- 1) Tusagassiorneq.
- 2) Oqaatsit.
- 3) Tusagassiorneq attaveqatigiinnerlu pillugit atuagarsornikkut ilisimasassat.
- 4) Tusagassiermi malittarisassaarneq.
- 5) Ileqqorissaarneq/ Pissuserissaarneq.
- 6) Inuiaqatigiilerineq.

Imm. 2. Immikkoortut pingajuannut ilinniagassatut sammisassanut makku ilaapput:

- 1) Tusagassiorneq.
- 2) Inuiaqatigiilerineq.
- 3) Oqaatsit.

Imm. 3. Ilinniartitaanermit Pisortaqarfik, pissutsit immikkut ittut atuutsillugit ilinniartitaanerulluunniit ineriartortinneqarneranut ilaatillugu imm. 1-imi 2-milu aalajangersakkat immikkut ittumik akuersinikkut sanioqqussinnaavai.

§ 9. Immikkoortut aappaani qaammatini 18-imi sulilluni sungiusartoqassaaq. Sulilluni sungiusarneq radiomik tv-millu ingerlataqarfimmi aammalu naqitanik tusagassiorfinni ingerlanneqartassaaq. Sulilluni sungiusarneq nalinginnaasumik Kalaallit Nunaanni pisassaaq.

Imm. 2. Sulilluni sungiusarfiusussaaq Ilinniagaqarnermi Siunnersuisoqatigiinnit akuerineqarsimassaaq.

Sulilluni sungiusarfiusussaq aatsaat akuerineqartassaaq ikinnerpaamik tusagassiortoq ilinniarsimasooq ataaseq sulilluni sungiusarfiusussami sulisorineqarpat.

Imm. 3. Piffissat sulilluni sungiusarfiusut ilinniartup makkuninnga atugassaqartitaalluni ingerlattassavai:

- 1) ilinniartoq sulilluni sungiusarfissamut akuerisaasumut sulilluni sungiusarnissaminik nammineerluni qinnuteqaateqartassaaq.
- 2) Tusagassiornermik Ilinniarfik aamma sulilluni sungiusarfissaq sulilluni sungiusaatissat pillugit isumaqatigiissuteqartassapput. Sulilluni sungiusarnissaq pillugu isumaqatigiissutit naapertorlugit ilinniartoq sulilluni sungiusarfimmi sulinermut peqataasussaataavoq.
- 3) Ilinniartup sulilluni sungiusarfimmi akisussaasumik ilitersuisoqarnissaa aamma sulilluni sungiusarnerup akuttunngitsunik naliliiffiqineqartarnissaa Tusagassiornermik Ilinniarfiup qularnaagassaraa.

Imm. 4. Sulilluni sungiusarnerup ilaa tusagassiortutut suliffimmi, ilisimatusarfimmi imaluunniit Kalaallit Nunaanni avataaniluunniit ilinniarfimmi pisortanit akuerineqartumi ilinniarnertut sivisunerpaamik qaammatini arfinilinni ingerlanneqarsinnaavoq. Tusagassiornermik Ilinniarfiup taama ilinniakkanik ingerlatsineq akuerissavaa aammalu ilinniartoq ilinniarfillu suleqatigalugit ingerlanissaa aaqjissuutissallugu. Taama ilinniakkanik ingerlatsineq ilinniartumit ataatsimit imaluunniit ilinniartunit arlariinnit ataatsimoortunit ingerlanneqarsinnaavoq.

Ilinniarnepup immikkoortuini suliaasat inaarutissamillu soraarummeerusiorneq

§ 10. Immikkoortumi siullermi ilinniartoq nammineerluni sammisamik suliamik nammineq toqqakkaminik suliaqassaaq aamma sammisamik tusagassiummillu nammineq toqqakkaminik suliaqarluni.

§ 11. Ilinniarnepup naammassissutitut ilinniagaqartoq ilinniarnepup immikkoortup pingajuanni inaarutissamik soraarummeerusiusaaq. Ilinniagaqartoq nammineerluni sulissaaq, kisiannili sioqqutsisumik siunnersorneqareertassalluni. Sammisaaq tusagassiuullu atorineqartussaaq nammineq toqqarneqassapput.

Ilinniagaqarnermi peqataaneq, ingerlaqqinneq, anisitaaneq unitsitsiinnarnerlu

§ 12. Ilinniartoq ilinniagaqarnermi peqataanissaminut pisussaaffeqarpoq.

Imm. 2. Ilinniagaqarnermi peqataaneq ilinniartitsinerup aalajangersimasunik pilersaarutigineqartunut sammisaqarfiusunullu peqataanertut suliaasanillu tunniussisarnertut nalunaarsorneqartassaaq.

§ 13. Ilinniartoq ilinniarnepup immikkoortuaniit ilinniarnepup immikkoortuanut tulliuuttumut ingerlariaqqitsinnagu ilinniagaqarnermi peqataanera, tak. § 12, imm. 2, ilinniarfiup pisortaanit akuerineqartassaaq, takuulli imm. 5. Ilinniartup ilinniagaqarnermi peqataanera akuerineqarsinnaanngippat ilinniartup ukiumik ilinniarfiusumik tamakkiisumik ilaannakortumilluunniit uteqqinissaa pisortamit akuersissutigineqarsinnaavoq.

Imm. 2. Immikkoortup aappaannik aallartitsinissaminut ilinniagaqartoq immikkoortumi siullermi suliani

marlunni pineqartuni minnerpaamik karakteri 6 angusimassavaa, tak. § 10 aamma ilinniagaqarnermi peqataaneq, tak. imm. 1, akuerineqarsimassaaq.

Imm. 3. Immikkoortut pingajuannik aallartitsinissamut ilinniagaqartup immikkoortut aappaanni sulilluni sungiusarluni peqataasimanera akuerineqarsimassaaq. Taamaattoorli ilinniarfimmi pisortaq, pissutsit immikkut ittut tamanna pisariaqalersippassuk, ilinniarnermi immikkoortut arfineq-aappaannik aallartitsisoqarnissaanut akuersissuteqarsinnaavoq, naak sulilluni sungiusarnejq ataaseq arlallilluunniit akuerineqarsimanngikkaluartut.

Imm. 4. Ilinniartut ilinniagaqarnermi peqataanerat akuerineqarsimanngikkaluarpalluunniit, tak. imm. 1, ilinniartitaanerminni immikkoortup tullianut ingerlaqqikkumallutik pisortaq qinnuteqarfigisinnaavaat. Immikkut akuersissuteqarnejq nalunaarutigineqarsinnaavoq ilinniartoq suliassaminik suliareeriigassaraluamut taarsiussamik Tusagassiornermut Ilinniarfiup piumasarisaaanik allattariarsukkamik tunniussippat. Ilinniagaqarnejq nangeqqinneqassappat suliaq naammaginartutut nalilerneqarsimassaaq.

§ 14. Ilinniarfimmi pisortaq aalajangiisinnaavoq ilinniagaqartoq ilinniartitaanermit anisitaassasoq ilinniagaqartoq

1) arlaleriarluni sivisuumilluunniit § 12 naapertorlugu pisussaaffimminik naammassinnissimanngippat naak allakkatigut eqqaasinneqartaraluarluni tamatumalu kingornatigut allakkatigut mianersoqquneqaraluarluni,

2) ilinniagaqartut allat ilinniarfiulluunniit sulisuisa peqatiginissaannut maleruagassat nalinginnaasut sakkortuumik sumiginnarsimappagit,

3) ataavartumik nappaateqarnermik, nakorsaatinik aanngajaarnartunilluunniit atonerluinermik assigisaannilluunniit pissuteqartumik allat peqqissuunissaannik isumannaatsuunissaannilluunniit ima akornuseeratarsinnaappat allaat ilinniartoqatiminut akornutaasinnaalluni, imaluunniit

4) ilinniartoq ilinniakkaminik ingerlatsiinnarnissaminut erseqqissumik naleqqutinngitsunik iliuuseqarsimappat.

§ 15. Ilinniarneq unitsitaq aatsaat ingerlateqqilerneqarsinnaavoq ilinniartunngoqqinnissamik qinnuteqareernikkut, tak. § 5.

Imm. 2. Taamaattoq pissutsit immikkut ittut atuutsillugit ilinniarfimmi pisortap akuersineratigut ilinniarnejq sulilluni sungiusarfissaqanginnermik pissuteqartumik, ilinniartitaanermik unitsitsigallarnermi taamatutaaq naartunerup erninerullu nalaani ilinniarnermik unitsitsigallarnermi aamma napparsimanermik uppernarsaatitalimmik pissuteqartumik peqataanginnermi unitsikkallagaq aallarteqqinneqarsinnaavoq.

Ilinniagassatut sammisani ataasiakkaani siunertarineqartut

Imm. 1

§ 16. Ilinniagassatut sammisami tusagassiornermi ilinniartut makkuningga angusaqarnissaat siunertaavoq:

1) tusagassiornermi tunngaviusumik ilisimasaqalernejq, soorlu nutaarsiassanik eqikkaaneq, nutaarsiassanik nalunaaruteqarnejq, apersuineq, imartuumik tusarnaagassiornejq, tunuliaqutsiisunik

allaaserisaqarnek aammalu eqqartuussivinni imaqarniliortarnek.

- 2) tusagassiortutut periaatsinik atuinissamik sungiusarnek,
- 3) nutaarsiassat suunerannik immikkoortiterisinnaanermik ilisimasaqalernek,
- 4) eqqaamasassanik allattuiguasuarsinnaanermik ilikkagaqarnek aammalu misissuinermit atugassanik aaqqissuussinermik sungiusarnek,
- 5) tusagassiortutut sunnarniarneqarsinnaanermik ilisimaarinninneq aammalu tusagassiortermit pitsaasunik ileqqorissaarnissamik/pissuserissaarnissamik ilisimaarinninneq, aamma
- 6) sulianik naammassineqareersimasunik aaqqissuussinermik sungiusarnek.

§ 17. Ilinniagassatut sammisami inuiaqatigiilerinermit anguniagaapput ilinniartut inuiaqatigiit aaqqissuussaanerannik ineriartortitsivigineqarnerannillu ilisimasaqalernissaat, taamaaliornikkut paasisutissanik makkununga tunngasunik naliliisarlutik misissueqqissaarsinnaanngortillugillu ajornartorsiutinik erseqqissaasinnaanngortillugillu siaruarterisinnaalersissallugit:

- 1) nunatsinni naalakkarsuinikkut ingerlatsinermit,
- 2) aningaasarsiornermit, aamma
- 3) eqqartuussiveqarnermit.

§ 18. Ilinniagassatut sammisami oqaatsini anguniagaavoq ilinniartut

- 1) kalaallit oqaasiisa pissuseqatigiinnerannik uiguusersuinermillu ilisimasaqalissasut
- 2) tusagassiortermit oqaluttuariaatsinik ilisimasaqalernissaat,
- 3) tusagassiuinermit oqaatsit atorpeqartut atuaruminartuunissaat, aamma
- 4) paasinarluartumik naleqquttumillu tusagassiuinermit oqaatsitigut tunngaviusumik pisinnaasassanik ilisimasaqarlualernissaat.

§ 19. Tusagassiornek attaveqatigiinnerlu pillugit isumaliutersuutinik ilinniagassatut sammisami anguniagaavoq ilinniartut makku pillugit ilisimasaqalernissaat

- 1) nunatsinni avataanilu tamat attaveqatigiinnerisa tusagassiuisarnerullu oqaluttuarisaanerani pingarnerit, tamakkununga ilanngullugit tusagassiuutit sunniutaannik paasisimanninneq, aamma
- 2) tusagassiornermik sulinermit atukkat, aaqqissuisoqarfiit aaqqiissuussaasarnernut tunngaviit aamma tusagassiuutit inuillu atuisut akornanni pissutsinik paasisimasaqarnissaq.

§ 20. Tusagassiiarnerni malittarisassat pillugit ilinniagassatut sammisami anguniagaapput ilinniartut makku pillugit ilisimasaqalernissaat

- 1) kikkulluunniit naqisimaneqaratik oqaaseqarsinnaanerit inatsisini tunngaviusuni illersugaasoq tamatumalu inatsisitigut killiligaanera, tamakkununga ilanngullugit inuit ataasiakkaat toqqissimasumik inuuneqarnissaasa innimiilliorfigineqannginnissaannik aamma inoqatinut nikanarsaataasunik oqaaseqartannginnissamut pinerluttulerinermit inatsimmi aalajangersakkat kiisalu piginnittussaataanermit tunngaviusumik aalajangersakkat pingaarutillit,
- 2) tusagassiiarnerni akisussaassuseqarnek pillugu inatsimmi malittarisassat, tusagassiuinermit ileqqut pitsaasut, akissuteqarsinnaatitaaneq aamma Tusagassiiarnerit pillugit Aalajangersaasarfik, aamma
- 3) Inatsiliortarnerni, allaffissornikkut ingerlatsinermit aamma eqqartuussiiarnerni tamanut tusarliisarnermut tunngaviit.

§ 21. Ilinniagassatut sammisami ileqqorissaarnermit/pissuserissaarnermit siunertarinearpoq ilinniartut

makku pillugit ilisimasaqalernissaat

1) tusagassiornermi ileqqussat pitsaasut pillugit malittarisassat allassimasut allassimannngitsullu malittarisassa, aamma

2) misissueriaatsini assigiinnngitsuni ileqqorissaarnermi/pissuserissaarnermi ajornartorsiutaasartut isumaliutigisariaqartullu.

Imm. 2

§ 22. Sulilluni sungiusarnermi ilinniartut sulianik ilinniakkaminnut tunngasunik nalinginnaasunik aaqqissuussinermillu misilittagaqalernissaat kiisalu nammineeirutik sulisalernissaminnut pisinnaasaqalernissaat anguniagaapput.

Imm. 3

§ 23. Ilinniagassatut sammisami tusagassiornermi tusagassioriaatsinik tusagassiortutullu sulinermik ilinniartitaanerup immikkoortuani siullermi ilitersuutigineqartartunik ilinniartut suli annerusumik ilisimasaqalernissaat sungiusarnissaallu anguniagaapput, taakkununga ilanngullugit tusagassiassanik pilersaarusionermik sungiusarnerit.

§ 24. Ilinniagassatut sammisami inuiaqatigiilerinermi anguniagaapput ilinniartut nunani tamalaani paasinnittaatsinik paasisimasaqalernissaat nunani tamani pisunik naliliisarluni misissueqqissaarsinnaalersitsisunik, ajornartorsiutitaannik erseqqissaasinnaalersitsisunik ingerlatitseqqissinnaalersitsisunillu aamma tamakkua tunuliaqutaannik kingunerannillu.

§ 25. Oqaatsinut tunngasunik ilinniagassatut sammisami siunertaavoq ilinniagaqartut:

1) oqaluttuariaatsinik sukumiisumik ilisimannilernissaat,

2) oqaatsit sakkutut atornissaat pillugit isumaliutersornikkut sulinikkullu misissuisarnerminni suliaminnik itisilerisinnaalissasut, tamakkununga ilanngullugit tusagassiortut saqqummiussisinnaanerit, pisunik ilungersunartunik saqqummiussisinnaalernerit kiisalu isumassarsiorluni oqaatsinik atuisinnaanermut tunngasut,

3) naliliisarluni misissueqqissaarsinnaalernerit ilinniarterup immikkoortuani siullermi sammineqartut ineriartorteqqissagaat, aamma

4) tusagassiornermi ileqquliussatut periaatsit atorlugit atorlagillu pissusissamisoortumik, oqitsumik paasiuminartumillu allassinnaangornissaat.

§ 26. Inaarutissamik soraarummeerusiornissap suliarineqarnissaani siunertarineqarpoq ilinniartut tusagassiornermi periaatsinik ilikkarsimanerisa nammineeirutillu sulisinnaalersimanerisa uppernartunngortinnissaat.

Kapitali 4.

Ilinniartitaanermi misilitsinnerit il.il.

Ilinniartitaanermi misilitsinnerit siunertaat

§ 27. Ilinniartitaanermi misilitsinnerit siunertaraat ilinniagaqartup pisinnaasaqarfiisa anguniakkanut piomasagaatinullu ilinniartitaanermut peqqussummi nalunaarummilu matumani kiisalu ilinniakkamik aaqqissuussinnermi aalajangersakkanut naapertuunnerisa naliliivigineqartarnissaat. Misilitsinnerni angusinerit soraarummeersimanermut allagartamik tunniussinissamut tunngaviliisuusassapput.

Ilinniarfimmit avataanillu naliliisoqarluni misilitsinnerit nassuiaataat

§ 28. Misilitsinnerit ilinniarfimmit avataanilluunniit naliliisoqarluni pisarput.

Imm. 2. Ilinniarfimmit naliliisoqarluni misilitsinnerit tassaapput misilitsinnerit soraarummeersitsisumit ataatsimit arlalinnilluunniit naliliivigineqartut.

Imm. 3. Avataanit naliliisoqarluni misilitsinnerit tassaapput misilitsinnerit soraarummeersitsisumit ataatsimit arlalinnilluunniit aamma censorimit, Ilinniartitaanermut Pisortaqarfimmit taamatut pisussaaffiligaasumit naliliivigineqartut.

Allattariarsornermi misilitsinnerit

§ 29. Allattarissanik misilitsinnerit Tusagassiornermik Ilinniarfimmit suliarineqartassapput.

Imm. 2. Misilitsinnerit soraarummeertussanut tamanut ataatsimut assigiissapput.

Imm. 3. Misilitsinnerni nakkutilliisoqartassaaq.

Imm. 4. Ilinniartitaanerup ingerlanerata naareernerani ilinniartut misilitsittarnerminni allattarissanik akissutigisimasatik imminnut tunniuteqqusinnaavaat.

Oqaluttariarsornermi misilitsinnerit

§ 30. Soraarummeersitsineq ilinniartitsissutitut sammisamik soraarummeerutaasumik ilinniartitsisuusumit ilinniartitsisuusunilluunniit ingerlanneqassaaq, taamaalilluni ilinniartitsisoq tassaassalluni soraarummeersitsisoq. Soraarummeersitsineq sapinngisamik soraarummersitsisup soraarummeertullu akornanni oqaloqatigiinnertut ilusilersugaassaaq, tasanilu censori peqataasinnaalluni. Atortut ilinniagaqartup ilinniartitsissutitut sammisanik suliaqarneranut annertunerusumik uppersaatitut iluaqutigineqarsinnaasut soraarummeersitsinnermi ilanngunneqarsinnaapput.

Imm. 2. Censori soraarummeersitsisorlu naliliiniarnermi kisimiissapput. Soraarummeertoq naliliisoqareerneratigut karakterissatut aalajangiunneqartoq pillugu tunngavilersugaasumik ilisimatinneqarsinnaavoq.

Imm. 3. Ilinniagaqartoq piareersarnissamut piffissaqartitaasimappat tamanna nakkutilliisoqarluni pissaaq.

Imm. 4. Oqaluttariarsornermi misilitsinnerit tamanut ammasuupput.

§ 31. Ilinniartitaanerup immikkoortua siulleq misilitsinnernik naliliinernillu makkuninnga imaqarpoq:

- 1) Tusagassiorneq: Ilinniartup naammassiniarlugit sulianut tamanut peqataasimanera nalilerneqartassaaq ima: "angusivoq" imaluunniit "angusinnigilaq". Tusagassiornermik suliat ilinniartumit suliarineqartut tunngavigalugit avataaneersunik naliliisoqarluni misiliisoqartassaaq.
- 2) Inuiaqatigiilerineq: Ilinniagaqartup ilinniartitaanerit immikkoortortaannut nunatsinni naalakkersuinikkut pissutsinut, aningaasaqarnermut aamma eqqartuussiveqarnermut peqataasimanera nalilerneqartassaaq ima: "angusivoq" imaluunniit "angusinnigilaq". Ilinniartitsissutitut sammisaq naggaserneqartassaaq avataaneersunik naliliisoqarluni oqaluttariarsornikkut misilitsinnermik.
- 3) Oqaatsit: Ilinniartup ilinniartitaanerup immikkoortuani oqaluttuariaatsitigut periaatsini peqataasimanera nalilerneqartassaaq ima: "angusivoq" imaluunniit "angusinnigilaq". Avataaneersunik naliliisoqarluni kalaallisoornermik misilitsittoqartassaaq.
- 4) Tusagassiorneq attaveqatigiinnerlu pillugit atuagarsornikkut ilisimasassat kiisalu tusagassiinermi malittarisassaqaarne aamma ileqqorissaarneq / pissuserissaarneq: Ilinniartup ilinniartitsissutitut sammisani peqataanera sammisani tamani immikkut nalilerneqartassaaq ima: "angusivoq" imaluunniit "angusinnigilaq".

Imm. 2. Ilinniartitaanerup immikkoortuani siullermi suliat tusagassiorneq piginnaasat tamatigoortut tunngavigalugit nalilerneqartassapput, tamakkununga ilanngullugit paasissutissanik katersisarnerrit kiisalu oqaatsinik atuineq paasissutissanillu siaruarerineq.

Imm. 3. Ilinniartitaanerup Pisortaarfik, pissutsit immikkut ittut pisariaqartissappassuk ilinniartitaanerulluunniit ineriartortinneqarneranut atatillugu imm. 1-imi aamma 2-mi aalajangersakkanik immikkut ittumik akuersinikkut sanioqutitsisinnaavoq.

§ 32. Ilinniartitaanerup immikkoortuata aappaani piffissat sulilluni sungiusarfiusut tamarmik naaneranni sulilluni sungiusarnermik naliliisoqartassaaq piffissami sulilluni sungiusarfiusumi ilinniartup peqataanera nalilerneqartassalluni ima: "akuerineqarpoq" imaluunniit "akuerineqanngilaq". Sulilluni sungiusarfiusuni akisussaallutik pisortat peqatigalugit sulillutik sungiusartut aamma Tusagassiornermik Ilinniarfik, sulilluni sungiusarnerit nalilissaavaat, tamatumani ilinniartup sulilluni sungiusarnermini takkuttarnera aamma sulinera minnerpaamik naliliiffigineqassallutik.

Imm. 2. Piffissap sulilluni sungiusarnerup ilassutaasup naalernerani § 37 naapertorlugi imm. 1-imi allaaserineqartut naliliisoqartassaaq.

Imm. 3. Ilinniartitaanerup Pisortaarfik, pissutsit immikkut ittut pisariaqartissappassuk ilinniartitaanerulluunniit ineriartortinneqarneranut atatillugu imm. 1-imi aamma 2-mi aalajangersakkanik immikkut ittumik akuersinikkut sanioqutitsisinnaavoq.

§ 33. Ilinniarnerup immikkoortuisa pingajuanni ilinniartitsissutini tusagassiornermi, inuiaqatigiilerinermi aamma oqaatsini ilinniartup peqataaneranut "angusivoq" imaluunniit "angusinnigilaq" naliliissutigineqassapput.

Imm. 2. Inaarutissamik soraarummeerusiorneq avataaneersumik naliliisoqarluni oqaluttariarsorlunilu misilitsinnermi nalilerneqassaaq, tamatumani ilinniartup sammisaminik toqqaanini, suleriaatsini aamma paasissutissanik katersinini nassuiassavai. Naliliineq ingerlanneqassaaq soraarummeersitsisumit, censorimit ataatsimit kiisalu suliamut aalajangersimasumut tassunga peqataasussanngortinneqarluni

immikkut ilisimasalimmit, tak. § 42.

Imm. 3. Ilinniartitaanermut Pisortaqarfik, pissutsit immikkut ittut pisariaqartissappassuk ilinniartitaanerulluunniit ineriartortinneqarneranut atatillugu imm. 1-imi aamma 2-mi aalajangersakkanik immikkut ittumik akuersinikkut sanioqutitsisinnaavoq.

Ilinniarnermi misilitsinnernut peqataanissamut nalunaarneq piumasagaatillu

§ 34. Ilinniartuq ilinniartunngornermigut ilinniarnermi misilitsinnernut peqataasussatut nalunaarpoq.

§ 35. Ilinniagaqarnermi peqataaneq, tak. § 12, akuerineqarsimassaaq ilinniartitsissutitut sammisani ataasiakkaani ilinniartuq misilitsinnerni peqataatilersinnagu.

Misilitseqqittarneq

§ 36. Ilinniartuq ilinniartitsissutini tamani 6-imit appasinnerusumik karakterilerneqarsimagaangami misilitseqqinniarsinnaavoq.

Imm. 2. Ilinniartuq ilinniartitsissummut ataatsimut marloriaannarluni misilitseqqinniarsinnaavoq.

Imm. 3. Ilinniartitaanermut Pisortaqarfik, pissutsit immikkut ittut pisariaqartissappassuk imm. 1-imi aamma 2-mi aalajangersakkanik immikkut ittumik akuersinikkut sanioqutitsisinnaavoq.

§ 37. Ilinniartup sulilluni sungiusarnera akuerineqarsinnaanngitsutut nalilerneqarpat tamatumani akuerineqanngitsortai ataasiarluni uteqqissinnaavai.

Imm. 2. Ilinniartuq maanaannakkut sulilluni sungiusarnerminik unitsitsippat sulillunilu sungiusarneq ilinniarfimmi allami imaaliallaannaq nangeqqinneqarsinnaanngippat sulilluni sungiusarneq pillugu naliliisoqassaaq ilinniarfik sulillunilu sungiusarfik naliliinissamut naammattunik tunngavissaqarneranik isumaqatigiippata. Akerlianik pisoqarpat ilinniartuq sulilluni sungiusarnerminik uteqqiisariaqassaaq.

§ 38. Ilinniartuq nappaammik taamaaqataanilluunniit nakorsamit uppersaatitaqartinneqartumik takkutinngitsoortarnernik tamatumunngaluunniit naligitinneqartumik pissuteqarluni misilitsinngikkuni Ilinniartitaanermut Pisortaqarfiup pisuni ataasiakkaani tamani aalajangernera naapertorlugit misilitsissaaq, misilitsinnerli taanna kingusinnerpaamik pissaaq ilinniartitsissutitut sammisaaq pineqartuq tullissaanik misilitsiffiulerpat.

§ 39. Ilinniartuq misilitsikkiartunngippat, tak. § 38, misilitsinnermullu peqataassanani nalunaaruteqanngippat, misilitsinneq angusiffiunngitsutut naatsorsuunneqassaaq.

Soraarummeerutissat aamma apeqquitit soraarummeerfiussat

§ 40. Soraarummeerutissat tassaapput ilinniartitsissutitut sammisani ataasiakkaani misilitsinnerni ilinniartup soraarummeerutigisai. Soraarummeerutissat ilinniartitsisumit ilinniartitsisunilluunniit ilinniartitsissummik aalajangersimasumik ilinniartitsisutitut sammineqartut akornannit ilinniartup oqaloqatigineqareerneratigut toqqarneqassapput.

Imm. 2. Apeqqutit soraarummeerfiusussat tassaapput apeqqutit soraarummeersitsinermit tunngavigineqartut. Apeqqutit soraarummeerfiusussat ilinniartitsisumit imaluunniit ilinniartitsisunit ilinniartitsissutitut sammisami ilinniartitsisusunit suliarineqassapput.

Imm. 3. Taamaattorli soraarummeertussap tusagassiatut suliaa soraarummeerutigineqassappat tusagassiatut suliaq soraarummeersitsinermit tunngavigineqassaaq.

§ 41. Soraarummeerutissat apeqqutillu soraarummeerfiusussat kingusinnerpaamik soraarummeernissaq sapaatip-akunnerinik sisamanik sioqqullugu censorimut akuerisassanngorlugit saqqummiunneqassapput.

Imm. 2. Soraarummeerutissanut apeqqutinullu soraarummeerfiusussanut oqaaseqaatit tiguneranniit ullut arfineq-marluk qaangiutsinnagit saqqummiunneqassapput. Tamatuma kingorna Tusagassiornermik Ilinniarfik oqaaseqaatinik tigusaqarsimangippat censori soraarummeerutissanik apeqqutinillu soraarummeerfiusussanik akuersisutut isigineqassaaq.

Imm. 3. Soraarummeertussap suliaa soraarummeersitsinermit tunngavigineqassappat, soraarummeerutissaq taanna soraarummeernissaq sapaatip-akunneranik ataatsimik sioqqullugu censorimut misissugassanngorlugu nassiunneqassaaq.

Imm. 4. Soraarummeertussap tusagassiatut suliaa soraarummeersitsinermit tunngavigineqassappat, soraarummeerutissaq taanna soraarummeernissaq sapaatip-akunneranik ataatsimik sioqqullugu censorimut misissugassanngorlugu nassiunneqassaaq. Tusagassiornermik Ilinniarfiup tusagassianik naliliinermit tunngavigisartagai nalinginnaasut ilanngullugit aamma nassiunneqassapput.

Censorit aamma sulianik ilisimasallit

§ 42. Ilinniartitaanermut Pisortaqarfik censorinik ivertitsisussaavoq. Censorit ilinniartitsissutini tamani avataaneersunik naliliisoqarluni soraarummeerfiusuni peqataasassapput.

Imm. 2. Inaarutissamik soraarummeerusiap nalilerneqarnerani, tak. § 33, imm. 2, Tusagassiornermik Ilinniarfimmitt toqqarneqassaaq suliamik ilisimasalik peqataatitaasussaq sammisanik inaarutissamik soraarummeerusiornermit pineqartunik immikkut ilisimasalik. Suliamik ilisimasalik censoritut ivertitatut maleruagassaqtartaalluni aningaasarsisinneqassaaq.

§ 43. Censorit nakkutigissavaat:

1) ilinniarnermi misilitsinnerit, taakkununnga ilanngullugit suliat allattariarsukkat, siunertanut peqqussummi, nalunaarutini ilinniarnermillu aaqqissuussinermit aalajangersarneqartunut naapertuunnersut,

2) misilitsinnerit ilinniartitaanermut malittarisassat atuuttut naapertorlugit ingerlanneqarnersut, aamma

3) ilinniartut assigiimmik naapertuilluartumillu pineqarnersut aammalu takutitsinerit tutsuiginartumik karakteriliisarnermit malittarisassat malillugit nalilerneqarnersut.

Imm. 2. Sulianik ilisimasalittut toqqarneqartup censori soraarummeersitsisorlu inaarutaasumik soraarummeerusiornermit paasisutissat pillugit ilinniartup nassuiaanerata ilumuussusia pillugu ilitersuisuusassapput. Paasisimasalittut aggersagaq naliliinerni peqataasassanngilaq.

§ 44. Ilinniarfimmi pisortaq ilinniarnermi misilitsinnerit nalunaarut manna naapertorlugu ingerlanneqartarnissaannut akisussaavoq.

Imm. 2. Misilitsinnerni pissusissaritinneqartunik saneqqutsinerit ingerlaannartumik Ilinniartitaanermut Pisortaqarfimmut nalunaarutigineqartassapput.

§ 45. Ilinniartitaanermi pisortaq ima pisoqarpat soraarummeertumik anisitsisinnaavoq:

1) soraarummeertoq unioqutitsilluni allanik ikiortissarsippat, atortunik akuerisaanngitsunik atortoqarpat imaluunniit allap suliaa suliamisut saqqummiuppagu, imaluunniit

2) soraarummeertoq unioqutitsilluni misilitsinnermi allamik ikiuippat ikiuiniarsimappalluunniit.

Kapitali 5.

Karakteriliisarneq

§ 46. Ilinniartitsissutini assigisaannilu misilitsitsiviusuni katakteeriliinermi 13-skala atorineqartassaaq.

Kapitali 6.

Angusinissamut piumasaqaatit

§ 47. Tusagassiortutut ilinniarnermi angusinissamut piumasaqaataapput:

1) pikkorissartitsinerit ilinniarnerillu ilinniartitaanermut ilaasut tamaasa aamma sulilluni sungiusarnerit ilanngullugit qaqisiffigineqarsimassasut imaluunniit akuersissutigineqarlutik, aamma

2) karakteriliunneqartut tamarmik minnerpaamik 6-imiissasut tassanngaluunniit qaffasinnerullutik.

Kapitali 7.

Nalunaarsuiffiit aamma soraarummeernermut uppernarsaatit

§ 48. Ilinniarfimmi pisortaq ilinniartunut tamanut nalunaarsuiffissamik allattuiffeqassaaq. Ilinniartooq pillugu inuttut paasissutissat, ilinniartitsissutitut sammisat toqqagai, uppernarsaatit, nalunaarut malillugu peqataannginnissamut allatullu peqataannginnissamut immikkut pineqarnissamut akuersissutit sulillunilu sungiusarnerit aamma misilitsinnermi karakterit nalunaarsuiffimmut allattorneqartassapput.

§ 49. Ilinniartut Tusagassiornermik Ilinniarfimmi angusisimasut soraarummeernermut uppernarsaammik pissapput. Uppernarsaat inunnut ataasiakkaanut tamanullu atuuttunik paasissutissartaqartassaaq.

Imm. 2. Inunnut ataasiakkaanut tunngasortaani nalunaarutigineqartassapput:

1) ilinniartooq pillugu inuttut paasissutissat aammalu ulloq ilinniarnerp naammassiffia

2) sulilluni sungiusarnermi ilinniarnerni naliliinerit, aamma

3) ilinniartitsissutitut sammisani ataasiakkaani tamani naliliinerit, suliat aamma inaarummik soraarummeerusiorluni suliaq.

Imm. 3. Oqaasertani tamanut atuuttuni nalunaarummi §§ 7, 8 aamma 47 ilanngunneqartassapput.

Imm. 4. Soraarummeernermut uppersaasat ilinniarfimmi pisortamit ilinniartooq pillugu allattukkat tunngavigalugit suliarineqassaaq. Ilinniarnermi pisortap uppersaasat atsiussavaa.

Imm. 5. Ilinniartooq ilinniarnermi naammassinnginnermini unitsitsiinnarsimasooq misilitsinnerit aamma sulilluni sungiusarnerit akuerineqarsimasut pillugit uppersaasatitaannik piumasinnaavoq.

Kapitali 8.

Atuutilerfia

§ 50. Nalunaarut ulloq 1. august 2001 atuutilerpoq. Ilinniartut 1997-imi decembarip aallaqqaataa sioqqullugu sulilluni sungiusarnermik nalinginnaasumik aallartitsisimasut ulloq taanna tikillugu malittarisassat manna tikillugu atuuttut naapertorlugit ilinniarnermi naammassinissapput.

Imm. 2. Tamatumunnga peqatigitillugu tusagassiortunngorniartunik ilinniartitsineq pillugu Namminersornerullutik Oqartussat nalunaarutaat nr. 43, decembarip 22-anni 1993-imeersoq atorunnaarsinneqarpoq.

Namminersornerullutik Oqartussat, ulloq 26. juli 2001.

Lise Lennert

/

Karl Kristian Olsen